

乘槎筆記

一函
二冊

乘梯筆記卷下

二品銜總理各國事務衙門副總辦斌椿
五月初一日卯刻再至倫敦街市漸熟仍赴父耳思
之武力武寓舍女主人及僮僕皆殷殷有熟習意瓶
花笑容籠鳥喚人杜詩云大迎曾宿客不虛也居屋
在三層樓上甚頗高廠飯食精美與初住相埒寓屬
中等然上下五層每層數十間夜則燈火晶瑩迴梯
玉檻無不洞明徹夜不息飯廳大者十數處住屋一

百三十餘間壁上均有消息換入以指按之櫃房卽
知某層某屋呼喚也浴室有銅管二水由管中出一
熱一涼隨意增減厠屋亦用水法時時洗滌之極精
潔凡此則處處皆同也

初二日晴議定往荷葉各國行期賈相國約申刻晤
談並稱君主獎許知予將往他國承辦會俾到時
有東道主情意殷諄可感也旋赴伯爵德君約高朋
滿座夫人款待甚周旋赴園中觀女客擊球戲伶工

奏樂翠袖紅裙芳菲滿眼詢可觀也

初三日拜狄稅司

初四日晴有約赴美都城海口看英國極大輪船乘車行二百餘里甫至海口聞尙須小輪船時方到乃先歸鳳夔九德往觀戊刻始歸云船有五烟筒現載電機銅鐵赴英國已滿載矣

初五日晴江海開費稅司夫人母家有書邀飲申正往屋宇壯麗園林幽勝察公夫婦及子妻暨女共八

人皆同席宴飲夜歌樂作樂音韻鏘然

初六日雨聽評書一句不解

初七日晴赴公家看戲法亥刻公爵白君邀至大花園賞花

初八日陰議定往荷蘭丹瑞俄各國各路行期

初九日雨公爵白君邀至公會所觀跳舞男女數逾千人各宮皆禮服如在宴舞宮時婦人白髮者十有三三姿容少艾詢係染白不知者幾以令妻爲壽母

矣聞蘇格商人居多丑刻回寓

初十日晴往包君別業往返五十餘里其戚友婦女咸在飯後羣赴園中較射擊球歌舞竟日

十一日晴水晶宮包君請覲水法過彌四

華言女也陶水

生彌四包腦彌塞思

華言婦也

姑特皆晴在別業者同游

見湖北人某姓身不滿三尺又安徽人某姓身長八九尺皆奇人也洋人以之來遊

十二日晴已刻坐輪船出海日赴荷蘭國

十三日晴辰刻抵此利時國安托爾步海口計行海
六百三十里巳刻乘車五十一里過婁得大係荷蘭
交界又至海它里午刻坐輪船未正在船上午餐畢
又乘輪車至粒黑爲荷蘭南都行程三百里

十四日陰拜總理各國包公並各國公使兼往花園
行宮游覽街衢潔淨樓宇高者四五層頗修整河道
甚多皆直而長樹木繁密民居頂朴志載非虛

十九日晴包公各拜派員徐君同往各處遊覽情誼

甚摯拜厦門費副領事官復往公所觀東洋各國器物名畫數十皆妙

十六日晴巳刻乘輪車五十里過來丁內有大書院又七十里看火輪取水器具用洩亞零海水者計立此法二十餘年洞出田三十餘萬畝有司以繪圖與覓細疇分晰溝洫條分變斥鹵爲膏腴洵爲水利之魁又六十里馬車行一時許至安轉坦地勢低下居民修沿河石道于水中立椿砌石架木上築樓閣六

七層沿河種樹留路二三丈以便車馬往來兩岸雕欄彩戶倒影水中周三十里街衢百餘道無不皆然每河寬狹不等皆有樓數座大小舟船處處皆通通都計橋七百六十座河之濶處舸艦迷津商貨輻輳寓樓臨水四面樓臺凝入仙境

十七日晴午初乘船至洩水入所土官導予周歷極爲精巧歸遊水晶宮各器用皆具

十八日晴巳刻照像午刻遊行宮未刻遊生靈苑獅

象虎豹等獸甚多禽鳥各種充斥其中蟒之大者如
升斗蠕于土石草木之間外以玻璃間隔司事者撥
動使觀有徧身黑斑粗如巨盎者怒衝玻璃作勢令
人肅然恐園官邀至家夫人與女曾至印度見華人
甚習十五女郎秀俊可人見客無瑟縮態親導各屋
遍觀且索照像昨觀火輪洩水題七律一章已印入
新聞紙數萬張徧傳海國矣今日園官備中華筆墨
請題得絕句云遐方景物倍鮮妍得句徧聯翰墨緣

今日新詩纔脫稿明朝萬口已流傳紀實也是夜亥
正乘輪船將往北路海月初升對岸笙歌燈光遊人
甚衆划小舟往觀值點放花炮五色燦爛有起至半
空明燈萬盞光照海水作紅綠色真奇觀也

十九日子初二刻開船竟日雨靜坐無事與鳳夔九
德在船煮茗談詩頗增清興約行六百里

二十日陰申刻至酣傅爾甫泊舟德一齊

法國人

自

巴黎先到與前天津稅司威立士迎至河干同赴寓

樓舍臨湖宏厥之至湖寬廣數百畝東西橋座相望
樓閣圍繞如入環畫船數十往來其中西湖六橋風
景如在目前令人增舊遊之感夜觀馳馬戲女郎十
五六人均能跳躍馬上馳驟巧捷匪夷所思

二十一日拜威稅司其夫人姊妹皆善歌能鼓琴臨
行各贈照像一眉目秀麗竟如其人攜至中華恐二
喬不能專美千古是日酉刻乘輪車行二百里戌正
登輪船晚飯後登樓四望海天空濶四面山島在有

無之間海口立燈樓望之如星

二十二日陰寅正泊舟行海程二百里辰初輪車開
行已正行三百里至丹薩爾都城地名阿奔黑根末
刻往拜總理衙門及各國公使街衢寬直樓櫺高敞
成正赴花園聽奏樂觀女戲馳馬跳舞不遜于他處
有美人縞衣長裙乘鳥疾馳尤爲冠羣

二十三日總理某公約午正會晤旋往行宮觀所陳
歷代君主書像器用殿宇極宏厥晚往公所觀所陳

北海各處牛皮帳房及人物形像男女皆濶面豐頤
肉色紅紫身被鳥獸羽皮大有蒙古狀餘皆各國器
用物件復至花園各處臺榭均鮮明山水清幽樹林
陰翳綠陰深處各設坐具歌舞馳馬鞦韆諸戲皆備
洵足觀也

二十四日陰雨巳正二刻起程登輪船出海口時正
晴霽水天一色茫無崖岸一時許行百里至瑞典海
口乘輪車未正東北行亥正一刻九百餘里至云居

平湖濱大樓住宿湖長三百里至子刻行人皆可辨
色旋見東北旭光透露天色微明蓋距北極止二十
餘度已至半年爲晝之地矣

二十五日卯正三刻啟行風寒衣用重棉婦女來觀
者有衣貂皮面容娟好聞此國鍾秀女子誠然西初
三刻至斯大克阿喇捫卽瑞國都城計云居云至此
一千四百里距丹都一千四百里行程未及九時其
神速大可快意然飲食皆不違耳

二十六日瑞典國王遣官至寓照料並約二十九日
入宮燕見已正往水晶宮閱各種出產器用金木石
各工制造精巧皮貨其墊罕後往公所觀畫所繪人
物鳥獸花果儼然如真山水瀑布日月光華酷肖
真繪水繪聲之筆晚遊大花園蒼松怪石洵足遊目
騁懷卽于花園中觀劇詭異不可名狀舞女美麗不
亞他國也予刻歸寓天色黎明行人衣可辨色夜遊
誠無須秉燭

二十七日雨見總理各國大臣旋拜各國使臣俄國使臣夫婦子女皆見申刻往瞻行宮樓宇高敞極爲壯麗也

二十八日陰瑞國太弟約往水晶宮晤談甚謙請承贈印像銀錢一枚請換子像並名片法國使臣來答拜告示有以顯微鏡照壁見各異物者往觀乃以水一滴如黍火映兩丈壁上皆作水紋中有蟲如大蝎千百隻往來如穿梭又滴醋照壁上作蝦蟇行真金